

## Soera zinoenö.

### Sinoenö 1.

*I. Fa'ohahaoe dödö zolo'ö taroma li Lowalangi.*

*II. Ba wa lö boto aechoe lala zeboea horö.*

- I.
  1. Ja'ahowoe niha si lö molo'ö nichoi dödö zeboea horö andrö, ba si lö manörö lala zolalö andrö, ba si lö doemadao ba zidadao zangoaja.
  2. Same'e fa'omoesö dödönia oroisa Jehowa ba sangaloei eloeaha goroisania, bongi ba maöchö.
  3. Hoelö geoe sowoea, ni tanö ba mbewe nidanö, zi manö, sowoea boeania na inötö. Boeloenia, ba tebai aleoe, ba hadia ia nifazöchi nia, ba mofozoe.
- II.
  4. Ba tenga si manö zeboea horö andrö; tobali sahoelö gadaja ira, nioloi'ö nangi.
  5. Andrö tebai manaha zeboea horö andrö, no tefatörö hoekoe, ba lö aro zolalö andrö.
  6. Noa sa i'ila Jehowa lala zatoelö, ba lala zeboea horö andrö, ba si lö fozoe.